



## Զահրատ

### Միրաճներուդ բերնին մէջ

Պօղոս աղբար տանձին քիօն քնի՞ է  
Երեք ոսկի քեզի համար Էֆենտիս  
Երկու քիօ տանձ որ առնեն հինգ ոսկի տամ չի՞ բաւեր  
Դուն օտա՞ր ես բնաւ մի՞ տար Էֆենտի  
Թէ որ փրկէ չե՞մ տար քեզի քեզի շտամ ո՞րու տամ  
Պօղոս Աղբար սա դդումները թա՞րմ են  
Դուն ի՞նչ կ'ըսես ծաղիկները վրան են դեռ չե՞ս տեսներ  
Այս առաւօտ ինքս եմ գացեր գատեր եմ  
Այս առաւօտ ծաղիկներս հագայ ես ալ դուրս ելայ  
Եկուր տես որ գիշեր չեղած ծաղիկներս թոռմեցան  
Քանի քիօ դդում կշռեն Էֆենտիս  
Պօղոս Աղբար Պօղոս Աղբար ըսէ՛ դուն ալ ուզա՞ծ ես  
Ամէն օր չէ բայց երբեմն նոր ծաղիկներդ հագնիլ  
Քարափն ի վեր քարափն ի վար սանկ քէյֆովդ պտտկիլ  
Ու տուն դարձիդ ըսէ՛ դուն ալ ինձի նման տեսա՞ծ ես  
Որ ծաղիկներդ ամէնքը մէկ լալկան լալկան թոռներ են  
Չհասկցայ բա՞ն մը ըսիր Էֆենտի  
Երկու քիօ տանձ ալ կշռէ ըսի նայէ խակ չըլլայ  
Հոգ մի՞ ըներ տանձ չէ կարա՛գ բերնիդ մէջը կը հալի  
Պօղոս Աղբար սա տանձերուն տեղ օր մըն ալ փորձե՞ր ես  
Կախուիլ կենալ եւ արեւուն տակ երագել ճիւղն ի վար  
Ու հասուննալ հողէն աւիշ օղէն բուրմունք ըմպելով  
Երկու քիօ դդում երեք երկու քիօ տանձ վեց

Օր մ'ալ հալիլ սիրածներուդ բերնին մէջ  
Ինը ոսկի ամէնքը  
Բարով ուտես նորէն եկուր Էֆենտիս